



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

# MOELETSI OA BASOTHO

PARARE DOMINO PLEBEM PERFECTAM



O kopela Mafeteng  
metsi

3

Ba e tsetela  
lehlabatheng

6



Letsatsi le chabetse katlung

Tlhaho ea masea e qephile

MOSEBETSI OA LITICHERE O TSIETSENG

www.moeletsioabasofo.co.ls



Re se re fumaneha ho  
marangrang

Email: newsroom@moeletsioabasofo.co.ls  
Tel: +266 28350466/ Whats app: 62600983

**MOELETSI****Ho ba bang ho lerotho****We were born to be happy**

**F**Muso oa Lesotho o bonahala o sa phomola mabapi le ho matlafatsa temo e seng e kikitlala haholo matsatsing ana, ka lebaka la maemo a fetohileng a leholimo. Lekala la Temo, Kanetso ea Lijo le Phepo e Nepahetseng le t'lo etsa pokello ea lipalo-palo ea lihoai ka mekhahlelo ea tsona ka ho fapakana. Pokello ena e tla thusa nakong eo li batleloang mebaraka kapa tsona lithuso tse tla li matlafatsa. Khato ena ke ea bohlokoa hobane ruri lihoai li hula kathata, lintho li se li ba fetohetse, hape ha ho lebaka le sitisang hore ba rekise linaheng tse ling. Lesotho le ntse le amoheloa lihlahisoa tse ngata haholo ho hlaha linaheng tse ling, tseo ka nako e 'ngoe li ee li koaloe hobane tlhahiso kahar'a naha e le ngata. Ho tla sebelisoa sebaka sa poloko se fumanehang Ha Foso, Maseru le sa Mokhatlo oa Lijo oa Lefatše (WFP) ho qoba tšenyō e ka bang teng.

Bofutsana bo aparetse libaka tse ling hoo tholeho e amehang ka mokhoa o sa tloaelehang, haholo moo ho seng matloana a ho ithusetsa. Sechaba sa Ha Lengau, Seterekeng sa Quthing se phela joaloka linonyana haholo ha se lokela ho ithusa hobane ho se matloana. Boholo ba baahi motseng oo ha ba na ona ka lebaka la bohloki, ke methoaelanyana feela e nang le ona. Ka hona ba se ba ipiletsa ho 'muso ho thusetsa maemong ana, hobane le bo-'m'e ha ba ile linakong tsa bona ba se ba sitoa ho boloka bohloeki. Ba hlalosa ha ba qetella ba lahlela mesangoana ea bohloeki lelabatheng la nokeng hore e ee le metsi, empa le teng ba tseba hantle hore seo ha se a nepahala. Ho feta mona ka lebaka la ho ithusetsa hohle, ba bang ba qetella ba etselitse joalo mehloling ea liliba, 'me sena se baka tšilafalo ea metsi. Taba ena e boetse e silafatsa tikoloho e hlokang ho baballoa hore sechaba se tsebe ho phefumoloha moea o hloekileng.

Letona la Thuto le Koetliso le bontšitse ngongoreho e kholo mabapi le ho theoha ha lipalo tsa baithuti likolong, tse bakoang ke palo e theohileng ea masea. Batho ba se ba itekanya mesikaro ha ba etsa bana matsatsing a morao tjena hobane kannete tlala ena e hloka motho ea ikatetseng. Leha ho le joalo, letona le re lekala kamor'a ho potoloha le sheba maemo a teng, haholo Semonkong le ile la rera ho theha Likolo tsa Likonyana hore bana ba fumane thuto e se ba ele sekolong ho ea ja feela. Morero ona o thusitse hobane nakong ea pele bana ba ne ba e-ea Sehlopheng sa Pele ba sa tsebe letho.

Sechaba sa balumeli lefatšeng ka bophara se rapella Ntate ea Halalelang ea keneng Sepetlele sa Gemelli, Rome ka la 14 Hlakola monongoaha kamor'a ho fumanoa a e-na le bokuli ba matšoafo. Hoseng ha Laboraro la la 26 Hlakola monongoaha, Ofisi ea Liphatlalatsi ea Vatican e ile ea tsebisa baphatlalatsi ba litaba hore Rabalumeli o phomotse hantle bosiu. Kamora moo o ile a lula setulong 'me a tsoelapele ka ho fuoa moea joalokaha ho ntso etsahala matsatsing a fetileng. Sephetho se tla tsoa bosiu se tla kenyeletsa liteko tse ileng tsa etsoa bosiu ba Labobeli la la 25 Hlakola monongoaha.

Ho sa le joalo, Seboka sa Babishopo ba Kereke e Katholike Lesotho (LCBC) se ile sa mema balumeli ho tla rapella Mopapa Kerekeng ea Mofumahali oa Tiholo Maseru ka la 26 Hlakola monongoaha. Re se re kopa Morena a mpe a mo ame ka letsoho la hae, a fole e le hore a tsebe ho tsoelapele ho alosa mohlape oo a o behileng matsohong a hae.

**MOLIMO A BOLOKE LESOTHO LE BASOTHO**

**M**ost of us live out our lives trying to survive stressful situations and learning ways to cope with the pain. This happens most of the time because of the decisions we make. We are so comfortable with a life of mystery much that mystery becomes normal, happiness seems unattainable and foreign. We should remember that we are by

nature wired to be happy and peaceful, that is what should come natural and easy. However, our choices in life have forced us to change the narratives of our nature, we have taught our hearts how to navigate life through the pain and atrocities. We even have theories that support a life of pain, we hardly ever promote a life of happiness, when we see a happy couple we are

too quick to say, "it's just a matter of time they will be fighting." Our way of life is a way which has no place for happiness and enjoyable moments. It's high time we reclaim our happiness and remember we are created for a life of happiness and joy; those are a must not options which happen rarely. Our happiness should be our primary goal in all we do.

Mazenod BOOK CENTRE

22 322 213 / 27 350 562

maserubookcentre@gmail.com / bookcentre@mazenodprinting.co.ls

**Phakoana Tsooana** A5 M152.00

**Malebela** A4 M75.00

**Mosali a Nkhola: M195.00**

**Lesotho lea ea: M150.00**

**Tholoana tsa Sethepu: M130.00**

**Libuka tsa sesotho**

Contacts: +266 28350 466

62600983 WhatsApp

Email: [newsroom@moeletsiobasotho.co.ls](mailto:newsroom@moeletsiobasotho.co.ls)

Sales and Marketing: (+266) 28 350 466 / 57396597 (WhatsApp)

**MOELETSI oa BASOTHO**

A LOKISETSE MORENA SECHABA SE PHETHEHILENG (LUKE 1,17)

Editorial

Lesoetsa Rakubutu

(+266) 6203 1949 / 58190670

EMAIL: [editor@moeletsiobasotho.co.ls](mailto:editor@moeletsiobasotho.co.ls)

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

57 665 038 / 68 216 271

Tšeliso Thakholi

58 540 853 / 63 480 404

Production Desk: 'Mateele Liqa

# O kopela Mafeteng metsi

## Nthabeleng Seithheko

**M**okhethoa oa Mafeteng Moeletsi Motšoane, o re seo ba se hloka ke hore ho lokisoa Letamo la Mafeteng, hore sechaba sa habo se tsebe ho fumana metsi. O boletse tsena puisanong le Koranta ka la 24 Hlakola monongoaha.

O itse sechaba sa habo se tlakotsing ea tlhokahalo ea metsi hoo batho ba sa khoneng ho fihla libakeng tse ling moo ba ka fumana metsi e bang bothata bo boholo. O re sena se bakiloe ke hobane letamo leo le omeletse, 'me tello ke hore 'muso o potlakele ho sebetsa litaba tsena molomong oa bophelo ba sechaba.

A re maemo ana h'a ame bophelo ba sechaba feela empa le likhoebo le Litsi tsa Bophelo. O re e bang 'muso o ke ke oa ikeletsa ho sebetsa taba ena hoo ho tla beha moruo oa naha tlakotsing hobane tello ke hore sechaba se fuoe lintlafatso.

O phethetse ka hore sechaba sa habo se khobe matšoafo kaha e le hona ba tl'o ithuta hore Lekala la Metsi le tl'o sebelisa chelete eo le e abetsoeng joang, empa le ha ho joalo o lumela hore kaha taba ena e le tlakotsi 'muso o tla e sebetsa ka potlako.

E mong oa baahi ba Mafeteng Teboho Chele, o hlalositse Koranta hore tlhokahalo ea metsi e ama khoebo ea hae kaha a rekisa lijo. A re ntle le ba khoebo bophelo ba bona bo ba tlakotsing e kholo kaha ba-

tho ba nka matsatsi ba hloka metsi. A kopa 'Muso oa Lesotho ho bona hore ba fu-

billione.

Letona la Lihlolieng Mohlomphehi Mohlomi

a be a anele hohle. A re litaba tsa Mafeteng li ntse li sebetsa kaha li lokela ho



mana metsi kaha le likolong eba bothata.

Lekala la Metsi khakanong ea lichelete ea selemo sa 2025/26 le abetsoe M2.2

Moleko, o hlalositse hore mosebetsi o moholo oa lekala la habo ke ho bona hore sechaba sa Basotho se fumana metsi a hloekileng,

kenyeletsoa kahar'a moralo oa lekala. A re kaha ke litaba tse potlakileng, sechaba sa Mafeteng se khobe matšoafo.

# Palo ea baithuti e'a qepha-Rapapa

## Nthabeleng Seithheko

**L**etona la Thuto le Koetliso, Prof. Ntoi Rapapa, o re lenane la bana likolong le bonahala le ntse le qepha, ka lebaka la batsoali ba seng ba etsa bana ka palo e fokolang. Litaba tsena o li hlalositse puisanong le Koranta ka la 24 Hlakola monongoaha.

O re sena se bakoa ke hobane batho ba se ba itekanyetsa ka palo e tlase ea ho ba le bana, hoja

'Muso oa Lesotho o kentse thuto ea mahala ebile bana ba feptjoa likolong.

O supile hore ba kene ts'ebetsong e kholo ea ho bona hore bana ba likonyana ba kena sekolo, 'me tsona li fumaneha Likolong tsa Mathomo tsa 'muso leha li e-s'o anele naha ka bophara. A re ba hlokometse hore thuto ke ntho ea bohlokoa eo ngoana a lokelang ho e qalella lilemong tse tlaase.

O supile hape hore taba eo ke karolo e kholo e qobisang bana ba mafutsana ho iphumana ba saletse morao thutong. O re pele ba anetsa Likolo tsa Likonyana,

Semonkong o ile a kopana le phephetso ea bana ba neng ba ela sekolong ho ea ja, kaha ba ne ba le tlaase lilemong, taba eo e ile ea qholotsa hore ba sebetsa ka thata ho bona hore Likolo tsa Likonyana li ba teng, 'me bana ba joalo ba fumants'oe thuto.

A re ho bohlokoa hore Likolo tsa Likonyana li ngolisoe ka molao e le hore likolo tse joalo li tsebe ho fumana lithuso le mokhoa oa ho fepa baithuti sekolong. A re hoo ke mokhoa o bonolo oa ho boloka bana likolong, 'me ha ho ngoana ea tla hola a sa tsebe ho bala le

ho ngola.

O tsoetsepele hore selemong se fetileng sa lichelete phepo e tsoetsepele hantle likolong, ka hoo mosebetsi oa lekala la habo ke ho fuputsa bana hohle metseng hore ba kene likolo, ho qoba har'a tse ling ho ba le sechaba se sa tsebeng ho bala le ho ngola.

H'a phethela o itse selemong sena se holimo, Lekhotla la Matona le ananetse leano la bona le lecha, leo har'a litaba tse ling tsa lona e leng ho potoloha le likolo ba fana ka thuto ho litichere hore li tsebe hore ha eba ngoana a bile le ngoana a le sekolong, a se ke a lelekoa kaha ho fumana thuto e le karolo ea bohlokoa ebile e le tokelo.

O itse ba khothaletsa hore ho theoe lihlopha tsa tlhabollo likolong ke baithuti, moo ba tla rupelloa ka litaba tsa boetapele, ho holisa ba bang e le karolo ea ho hloa qholotso e tobaneng le baithuti ea ts'ebeliso e mpe ea lithetefatsi.

Mongoli-Kakaretso oa Mokhatlo oa Litichere (LTTU) Letsatsi Ntsibolane, o thoholelitse lekala ka ho anetsa thuto ea likonyana likolong tsa 'muso kaha ha e

le mahala ho le bonolo hore e anele bana bohle.

A re bana ba bang ba ne ba qala selemo sa pele sa ho ithuta Likolong tsa Mathomo ba sa tsebe ho bala le ho ngola hobane batsoali kapa malapa a habo bona a hloka chelete ea ho lefella lithuto tsa bana. A re hona ke karolo e kholo ea ntlafalo ea thuto, ka hoo e se e ka ho ka ba le bahlahlobi ba likolo ba tla hlahloba hore litichere li etsa mosebetsi oa tsona eseng bana ba ee sekolong e be ha ba fuoe thuto ea boleng.

Ho sa le joalo, khakanong ea lichelete ea selemo sa 2025/26, Lekala la Thuto le Koetliso le abetsoe M3.3 billion e mosebetsi oa eona, e leng ho atlehisa kholo ea thuto, boqapi, ho ntlafatsa likolo tsohle kahar'a naha hore e be tse amohelang sebakeng sa bana bohle, 'me ntlafatso eo e tla kenyeletsa khahle ea matloana a ananelang bana bohle naha ka bophara le lisebelisoa sebakeng sa baithuti le litichere.

Ba boetse ba tl'o koetlisa litichere ka ts'ebeliso ea marang-rang kahar'a likolo, 'me ke bonyane litichere tse 400 tse seng li koetlisitsoe.



# RE TŠEHETSA BACHA



Lekhobanyane, Mazenod tlasa Sekolo se Phahameng sa Bishop De Mazenod. Ke hona moo tšebetso eohle ea ka e etsetsoang hona teng.

### **Liqholotso le likatleho**

Qholotso e kholo ke hore feela ke na le ntja e 'ngoe eo ke thusoang ke lingaka hore ha e tliil'o tsoala re sebelisa thipa. Taba ena e atisa ho mpeha tsietsing ea hore ke se ke ka lahlehela ke malinyane. Ho tloha ke qalile khoebo ena, e nket-selitse liemahale; ke ahile ntlo ka eona le ho matlafat-sa khoebo ka bo-eona.

### **Bokamoso ba khoebo**

Nka lakatsa ho bona khoebo ena ea ka e holile ho feta mona moo e teng. Ke batla bonyane ka selemo ke be ke bokeletsa chelete e kaalo ka M500,000.00. Morero o mong ke ho eketsa lintja hore li be 35 ka palo kaha hona joale ke na le tse 20 feela. Ke lakatsa ho iphumana ke li rekisa kahare le kantle ho naha.

### **Khothaletso ho bacha**

Khoebo ea lintja ke mofuta o motle haholo, 'me nka e khothaletsa bacha feela taba e kholo ea teng e batla tlhokomelo le lerato la eona.

### **Tšeliso Thakholi**

**K**e nako ea hore bacha ba iqalle likhoebo ka lintho tseo ba nang le matla kapa tse haufi le bona e le ho qoba litšenyehelo le litheko tse phahameng tse ka hlokahalang ha motho a qala khoebo. Bacha ba na le tšabo ea ho qala mofuta ea likhoebo tse sa tloaelehang tsa boqapi ba bona ka khopolo ea hore li tla ba hloka chelete e ngata, athe ha ho joalo.

Monghali Thapelo Mofamere o na le mofuta oa khoebo eo batho ba bangata ba se nang eona e leng ea leroo la lintja tse ntlafalitsang tseo a li rekisetsang batho ba nang le liphoofole metebong, ho sireletsa malapa le likhoebo. Khoebo ena ea hae e bitsoa Lanks Boerbols. O boetse hape o na le khoebo e rekisang mofuta eohle ea meriana ea liphoofole.

### **Qaleho ea tšebetso**

Lintja ke hotse ka tsona ho tloha ke sa le monyenyanane ke li rekeloa ke batsoali ba ka. Ka li qala joalo e le lerato ke bile ke sa hopole ka letsatsi le leng e tla ba

khoebo. Ke hotse joalo ka tsona ke li rata ho fihlela ke ba ke hlokomela hore nka iqalla khoebo ka tsona. Ka lebaka la lerato leo ke nang le lona ho tsona, ka selemo sa 2016 ke ile ka qetella e fetoha khoebo. Ke bone ka 'na hore ntho ha motho e hlile u e rata e qetella e fetoha khoebo. Ho fetse ho bile joalo ho 'na kajeno ke butse khoebo ea thekiso ea lintja.

'Na ha ke ea qala khoebo ena hobane ke ne ke re ke ea khoebong, empa ka lebaka leo ke ratang lintja ka teng, ke tsona tse nkhuletseng hore ke tle ke qetelle ke le khoebong. Ntho e 'ngoe eo ke ileng ka hlokomela ke hore ke ne ke ile ka hlokomela hore ha se mofuta oa khoebo e tloaelehileng haholo. Haeba li teng kahar'a naha li'a fokola ka palo.

### **Mefuta ea lintja**

Ke rekisa mofuta e mengata haholo empa ha joale ke rekisa Boerboel, German Shepherd e mona e tloaelehileng haholo ka hore ke Police Dog, Rottweiler le Jack Russell. Ke boetse ke nehella batho lintja tsa bona. Ke ba thusa le ho ba nehella ka letsoho. Ke ne ke rekisa Pitbull empa hajoale ha ke sa e rekisa kaha ke mofuta o kotsi haholo oa

ntja.

### **Tlhokomelo**

Tlhokomelo e kholo ea lintja ke ho ba le lerato la tsona. Tsena tse ling tsohle tse kang tsa ho li fepa ho li hloekisetsa ka moo li lulang le ho li hlatsoa hore li tsebe ho ba ntle li tla latela. 'Nete ke hore ha li hloke tlhokomelo e mohlolo li batla hore motho a li fe lerato le nako

### **'Maraka**

Ha re bua ka khoebo ea liphoofole ha ho na e etsang chelete ho e feta. 'Maraka oa eona o mongata haholo. Ha ke nehela ntja ke M7,000.00 ka letsoho ke M750.00. Kannete ke khoebo e ntle haholo. Ke ne ke na le mofuta ona o bohale oa Pikbol empa ke ile ka o tlohela ka lebaka la hobane



ea ho ba le tsona ka linako tsohle. Motho o lokela ho bona hore ka linako tsohle li fumana liente le meriana bakeng sa ho thibela mafu le ho lula li phetse hantle.

o le bohale haholo o loma bana haholo hobane ba e phephetsa.

### **Sebaka sa thekiso**

Ha joale khoebo ena ea ka e fumaneha motseng Ha

Empa motho h'a se na lerato la eona a ke ke atleha. Bacha le batho ba baholo ba nang le lerato la khoebo ena mamati a butsoe ba ka tla ho tla nka malebela.



## Listen To Us Here

Mafeteng  
Mohlale's Hoek  
Qach's Nek  
Quthing



Maseru  
Berea  
Leribe



Mokhotlong  
Thaba Tseka  
Butha Buthe



[www.bokamoso974.co.za](http://www.bokamoso974.co.za)

# Se kenya letsoho makhulong le mekhoabong

## Nthabeleng Seitlheko

**B**asotho ba lokela ho tseba ka litaba tsa polokeho ea tikoloho, le ho ikatela khahlanong le boemo ba phetoho ea leholimo ka ho kenya letsoho ntlafalong ea makhulo. Litaba tsena li hlaleletse pitsong ea sechaba, e epiloeng ke Lekala la Tikoloho le Meru, ka la 25 Hlakola monongoaha.

Mookameli e Moholo oa Makhulo Thabang Kotsoro, o supile hore lekala la habo le tsoile letšolo ho tsoarela Basotho lipitso haholo ba lulang libakeng tse sa fihleleheng habonolo, ho ba beha leseling ka bohlokoa ba ho baballa makhulo, tikoloho le mekhoabo ka ho etsa mesebetsi ea kopanelo ea ho fothola lihlahala, ho sireletsa mekhoabo, ho aha matangoana ka thoko ho mekhoabo, moo liphoofole li tla noa teng le ho lema lifuru le mehloa.

O itse ba ile ba fana ka lisebelisoa molemong oa ho ntša lihala-halala, malekapore, samente e sebelisoang ho aha linoelo tsa liphoofole, ha sechaba se bokella majoe le ho iketsetsa mesebetsi. A re ba boela ba fana ka lipeo e le karolo ea ho khutlisetsa tikoloho boemong ba eona e leng lesere, bottle-bottle, tšana e le mabele furu le libotlolo tse tšelang pente e thusang hore ho tšoaouo meeli ea mekhoabo.

Mosebetsi ona o etsoa ke sechaba ka kopanelo, 'me ntlafalong ea makhulo ba sebelisa lipeo tse fanoeng ke lekala ho lema mehloa e neng e se e le sieo, kapa e fokola kaha ho se ho hlahla mehloa e sa jeoeng ke liphoofole.

Mosebetsi ona o re ba o etsa ka tšebetso ea AICOV, moo morero e leng hore sechaba se tsebe ho iketsetsa khahlanong le boemo ba leholimo ka ho baballa tikoloho e ntlafetse, molemong oa tlhahiso e ntlafetseng ea liphoofole, ho khutlisa boieane ba tlhohleho, makhulo le mekhoabo hore li lule e le tsa boleng.

A phethela ka ho bolella sechaba hore mesebetsi oo ba o etsang ha o na fel-la feela kaha e le tlholisano ea libaka tse fapakaneng ho latela hore sebaka se sebelitse joang, ho tla ba le lim-

pho tse fanoang, ebile e le mokete oo qetellong ho tla thusa hore le batho ba metse e meng ba etele sebaka se joalo ho etsa boithuto, hore le bona ba qetelle ba etsa mesebetsi oa lintlafatso ka boitelo.

'Maleseli Mphasi oa Ha Lengau, o hlalositse hore litaba tsa phetoho ea leholimo li'a ba ama kaha temo e sa be hantle masimong, hape liphoofole tsa bona ha li atlehe hantle ba sitoa ho kotula boea ba boleng, hobane makhulo a bona a sa ntlafala.

E le basali ba tšoere ka thata ho bona hore tikoloho ea bona ea ntlafala hobane ba sebetsa ka bo-bona ho fothola lihala-hala le litlama-tlama tse sa hloka-haleng sebakeng seo tse amang lekhulo le ho lema mehloa e hloka-halang tikolohong.

O re ha ho motho ea sa

kenyeng letsoho ntlafalong ea makhulo, hobane malapa a bona boholo a phela ka liphoofole 'me sebaka

soang ke lekala ka hore o kopanya sechaba, bohle ba ba ntsoeleng le ho utloisisa ka litaba tsa paballo ea me-

atleha hobane ha tikoloho e ntlafetse liphoofole li ea ntlafala, ba khona ho li rekisa li le maemong a matle.



seo ha se bolokehile ba tla tseba ho phelisa malapa le ho ba le chai e ntle ea boea ba farelane le seiboko.

Ha 'Maliako Letsie, a thoholelitse mesebetsi o et-

khoabo le makhulo.

A re ba tlosa lihlahala ba lema le lipeo tseo ba li filoeng, 'me boholo li se li hlahlile ka hoo tebello ke hore ho sebetseng hoa bona ba

A re ba hloka ho bona sebaka sena se ntlafetse ka hona ba ntse ba sebetsa ka thata hobane hoo ho le molemong oa bona eseng oa mang kapa mang.

## Lekala le kopanya balisana

### Nthabeleng Seitlheko

**E**le hore balisana ba kenye letsoho ka matla ts'ireletsong ea makhulo le mekhoabo, Lekala la Tikoloho le Meru le ba khotlaetsa ho theha mekhatlo ka sepheo sa ho baballa mekhoabo le lihloholoeng. Litaba tsena li boletsoe ke Setsebi sa Makhulo le Paballo ea Mekhoabo, Limpho Sekhamane puisanong le Koranta ka la 25 Hlakola monongoaha.

O supile ha ba khotlaetsa balisana ho theha mekhatlo hobane ba hlokometse hore mekhatlo ke eona e sebetsang hantle kahar'a naha kaha e le bona ba irallang makhulo a bona ba bile ba a hlokomela. A re sena se etsoa e le karolo ea ho rarolla mathata a bang teng lipakeng tsa morena le balisana ha ba jesitse leboella, hore e be bona ba tla tseba ho fanana likotlo le ho baballa tšebetso ea bona.

A re tebello ke hore o sebetse joaloka mekhatlo eohle, ho ntšoe seabo le ho bona hore na ke'ng eo ba ka e etsang 'moho hore ba be le chelete e tla ba thusa ho

ithekela liphoofole kapa ho intlafatsa bophelong.

O re mesebetsi o mong ke ho leka ho fokotsa sekahla sa ho cheso ha makhulo, ka ho fana ka thuto ho balisana le hore ba tsebe ke boikarabello ba bona ho baballa tikoloho e le manoni, kaha ba iphelisa ka mehlape le meriana ea tlhohleho. A re ba etsa sena hobane ba hlokometse hore balisana ba bang ba chesa makhulo ka morero oa ho soetsa, ba bang ba batla tala ha ba bang ba tsoma 'me liketso tsena tse senyang boieane ba tlhohleho li susumetsoa ke tlhokahalo ea tsebo, ha ba tsebang ba etsa seo ka morero. A re ha ba le 'moho ba tla ba ntsoeleng ba be le mesebetsi eo ba etsang ba kopane, 'me tšenyoo e tla fokotseha.

O re ba tl'o ba le mofani ea tl'o thusa ho matlafatsa litaba tsena, ka ho fana ka limpho ho balisana ba tla ba be ba sebelitse hantle.

A re ba batla ho bona hore makhulo a ntlafala, kaha ha ntlafetse liphoofole li ntlafala le bophelo ba bona bo tl'o ntlafala, 'me ha li atlehile khora e tla ba teng le chai ea boea ebe e ntle. A re liqholotso tse ling ke hore balisana lisetsa ka mekhoabong ka ho hloka tsebo. A re tebello ke hore ba khautse liketso tseo ha ba se ba fuoe thuto ea boleng kaha a lumela hore ba tla be ba ena

le kutloisiso.

O re molemo oa ho baballa mekhoabo ke ho fumana metsi, 'me ha liphoofole li fulisoa mokhoabong li'a senya metsi. A re mokhoabo oa kolla 'me ha liphoofole li ntse li tsoelapele ho fulisetsoa sebakeng se joalo ho balehisa mekhoabo, ebe ho ba le leqeme la metsi.

A re ho bohlokoa hore balisana ba baballe tikoloho, hobane Naha ea Lesotho e rekisa metsi ho matlafatsa litšebeliso, le mekhoha ea ho nolofatsa bophelo. A re kaha balisana e le bona ba sebetsang naheng khafetsa, ba lokela ho baballa mekhoabo le tikoloho li ntlafetse.

A re ka linako tse ling, litlolo tsa molao tse etsahalang mekhoabong ke hobane batho ba hloka tsebo, ka hona ho matlafatsa tšebetso ena ho tla fua balisana ba ipabotseng limpho tsa likobo, liofarolo le li-ea-lemoea tse tla thusa hore ba fumane melaetsa ka nepo haholo ho tseba ho lepa ka nako litaba tsa phetoho ea boemo ba leholimo kaha e le qholotso e tjametseng lefatše lohle.

A re taba ena ea tlholisano e entse tšebetso e matla kahar'a makhulo kaha sechaba se sebetsa 'moho ho a ntlafatsa, ba iketsetsa linoelo le ho itšoaela mekhoabo ea bona. A re ho boetse ho tla thusa libaka

tse sa kenelang tlholisano ho iketsetsa mesebetsi ea lintlafatso ka matla.

E mong oa balisana Thato Ntlola oa Ha Katiba, o itse ba ikemiselitse ho bona sebaka sa Tlaling se ntlafetse, ba baballetse mekhoabo, ba fothotse litlama-tlama hore liphoofole tsa bona li ntlafale, hape ba tlohetse ho chesa joang.

O re liqholotso tseo ba kopanang le tsona ke tsa hore ho na le batho ba sa utloisiseng ba senyang lintlafatso kaboomo.

A re mekhoabo e bohlokoa ho balisana hobane metsi ha a che, ha ba sa o hlokomela liphoofole li tl'o sokola metsi, ka hoo o ipilelitse ho balisana ho baballa mehlole le makhulo. O re ntlheng ea liiba balisana ba bang ba li nka hanyenyane, kaha ba sa boloke bohloeki ho tsona.

Tšolo Moolisa oa Ha Lengau, o re paballo ea makhulo, ho hlomphe mehlole ho se chese naha ho tl'o ba thusa ho ntlafatsa bophelo ba bona, hobane ha ho cheso naha komello e ba ngata, ka hoo h'a rate ha batho ba ntse ba chesa hobane ho ama liphoofole le boieane ba tlhohleho ebe ho ba le litlamora tse bolutu.

Ke bonyane sebakeng sa Tiping, Qhoasing le Tlaling tse tla kenela tlholisano ena ea ntlafalo ea makhulo le mekhoabo.

# Re tsetela mesangoana ea boithhoekiso lehlabatheng-Jonana



## Nthabeleng Seitlheko

**S**echaba sa Ha Lengau se re tlhokahalo ea matloana e se baketse bophelo bo bolutu, kaha se iphumana se e-ba le bothata ba mafu a aparelang tikoloho. Litaba tse na se li boletse puisanong le Koranta ka la 24 Hlakola monongoaha.

Se re ka lebaka la tlhokahalo ea matloana, se iphumana se e-ba le bothata ba letšollo le aparelang tikoloho tsa bona, 'me sena se bakoa ke ho sebelisa metsi a sa hloekang, kaha mantle a hoholoa ke metsi.

Mokanselara oa ED Lengau Jonana Mzwandile, o hlalositse hore sechaba sa habo se tobane le phephetso e kholo ea tlhokahalo ea matloana, kaha ba nang le ona e le batho ba nang le boikohomosi, 'me kahar'a metse e 13 ke malapa a fokolang a nang le matloana.

O re batho ba ithusetsa matlapeng, hoo qetellong taba eo e qetellang e etsa hore ba bang ba ithusetsa le libakeng tsa liliba moo ho khuoang metsi. A re ntho e bohloko ke hore mafu a joalo a ama bophelo bo botle ba sechaba sohle.

O re litaba tsa bohloe-

ki ke qholotso e kholo tikolohong eo hobane boholo ba batho ba qetella na le batho ba ileng ba lahlehelo ke bophelo ka lebaka la letšollo le ileng



ba furalla sebaka seo ho sala ho se metse. Ho fetamona o supile hore ho

la e-ba teng sebakeng sa habo.

O itse ba boetse ba to-

bane le phephetso e kholo ea tlhokahalo ea litšebelotso e leng lintho tse amang bophelo ba sechaba. A ipiletsa ho 'Muso oa Lesotho le ba ikarabellang ho ba etsa matloana molemong oa hore ba tle ba tsebe ho phela hantle joaloka batho ba litikoloho tse ling.

Ramotse oa Ha Ramothobi Loaphe Mothe, o supile ba le tlokotsing ea matloana kaha ho le thata hore na ba ithusetsa kae, ha batho ba baholo le ba kulang e le tlokotsi e boima kaha ba ithusetsa haufi le malapa, ba bile ba se ba sa ipata.

Ore taba ena ntle le bohloeki feela e ama Litokelo tsa bona tsa Mantlha tsa Botho. A re ba

taba eo ke eona qholotso empa ha e ne e ba ba na le mesebetsi ba ne ba tla etsa matloana. O supile a tšoenyehile kaha sechaba sa habo se le tlokotsing, hobane le poloheho ea liliba ke bothata.

Ka lehlakoreng le leng, Nonkosi Jonana ea lilemo li 21, o supile e le mocha a sa phuthulohe nakong eo a ithusang ho latela lilemo tsa hae. Qholotso e kholo ke hore h'a le linakong tsa hae e le ho boloka bohloeki, o chekela lisebelisoa tsa hae fatše kapa a li chese, kaha ho se ntloana.

O bontšitse hore bophelo ba tikoloho ea habo bo thata ba sitoa ho boloka bohloeki joaloka basali ba bang. O re bothata

sitoe ho ba le matloana hobane boholo ba sechaba sa habo ha se sebetse,

bo boholo ke hore ha ho matloana 'me nakong eo e bang ba linakong mokhoa oo ba o sebelisang o mong ke ho chekela mesangoana ea bohloeki ka nokeng, hore e hoholoe ke metsi nakong eo lipula li leng ngata.

Seo ba se etsa e le karolo ea ho boloka tikoloho e hloekile le hoja ba tseba hore hoo ho silafatsa metsi ke ka hona ho bang le mafu a seoa. O ipilelitse ho 'Muso oa Lesotho ho ba sheba ka mohau, ho-bane le litsela ke bothata le litšebelotso li fumaneha hole, bophelo ba bona bo boima.



# Lekala le bula sesiu

## Nthabeleng Seitlheko

**L**ekala la Temo, Kanetso ea Lijo le Phepo e Nepahetseng, le tla thakhola pokello ea sesiu sa lipalo-palo tsa lihoai kahar'a naha e le ho batalalatsa mabala sebakeng sa bahoebi ba temo le ho bula mebaraka. Litaba tsena, li hlaheletse puisanong le Letona la Temo, Kanetso ea lijo le Phepo e Nepahetseng Mohlomphehi Thabo Mofosi, ka la 21 Hlakola monongoaha.

O itse sesiu sena se tla nolofaletsisa 'muso hore ha o thusa lihoai o tsebe mefuta, palo le hore lihoai tse joalo li fumaneha hokae. Hape a re se boetse se tlo nolofaletsisa lekala ho batlela lihoai lithuso kaha pokello ea lipalo-palo e le qholotso e kholo.

O hlalositse hore ho na ke qaleho ea tsoelopele le kholo ea lihoai kahar'a naha kaha mokhoa oa ho fumaneha e tla ba o bonolo. Ka hona a re ba lokela ho kenya tšebetsong molao o tla ba thusa ho batalalatsa mabala ho bahoebi ba joalo hore ba nolofaloe ke ho hoebisana le linaha tse ling. O re ba lokela le ho reka thepa e tla sebelisoa ho bekha boleng ba lihlahisoa tsa Basotho.

Ho matlafatsa tsona lihoai, o itse haufi lekala le tla phatlalatsa le ho hlahisa sebaka sa poloko ea lijo Ha Foso, ho thusa lihoai ho boloka lijo tsa bona libakeng tse nepahetseng nako e telele, ba tla sebelisa le libaka tsa Mokhatlo oa Lefatše oa Lijo (WFP) ho boloka lijo tsa Basotho. Ka hona sena se tlo ba thusa ho baleha tšenyoo ea lijo e bang teng nakong eo motho a chahileng masimong.

A re Basotho ba banga-ta ba tobane le phephetso ea tlhokahalo ea lijo 'me selemong se holimo ba lokela ho sebeletsa ho atleha. O re temo e ka lithabeng e atlehile selemong sena, kaha lihoai tsa Mokhotlong, Qacha's Nek le Thaba-Tseka li fumane manyolo le lipeo ka nako.



## 'Muso o ntlafatsa libaka tsa bohahlauli

### Nthabeleng Seitlheko

**E**le ho matlafatsa le ho baballa libaka tsa nalane kahar'a naha, 'Muso oa Lesotho o tlo aha mekoallo Mokhotlong le Butha-Buthe, morero e le ho lefisa basebelisi ba sebelisang Leliboho la Sani Pass. Litaba tsena li boletsoe ke Letona la Lipapali, Bonono, Bochaba le Bohahlauli Mohlomphehi Motlatsi Maqelepo, puisanong le Koranta ka la 24 Hlakola monongoaha.

O re ntlafalo ena ke karolo e kholo e tlo thusa ho hohela bahahlauli, le ho bona hore libaka tsa nalane li kenyetsa naha chelete. A re ho phelisa libaka tsohle tse fupereng nalane ho tla thusa Lesotho ho ba le tsoelapele 'me libaka tse joalo li sebelisoa khafetsa.

O supile ha bohahlauli e le karolo ea bohlokoa moruong oa naha efe kapa efe kaha ho kena ha baeti kahar'a naha e le karolo ea tlhahiso ea mesebetsi. A re ha joale ba leetong la ho ntlafatsa Sehlabathebe National Park hore ho be

le matlo a bolulo a boleng, e le ho etsa hore sebaka seo ebe se ntlafetseng, se kenyetsang naha chelete.

A re ba boetse ba tlo ntlafatsa Lebala le Lehola la Lipapali la Setsoto, 'me libaka ke hobane ke lona le sebetsang nakong ea mekete ea naha, ha ho ntlafalitsoe libaka tse joalo ka boqapi bacha ba ka tseba ho etsa chelete ba iphelisa le ho ithehela mesebetsi. O itse sebaka sa 'Maletsunyane se tlo phatlalatsa e le se ntlafetseng, 'me ho sona ho se ho tla etsoa meaho e amohelang baeti, mabala a lipapali le libaka tsa nalane.

O hlalositse hore Naha ea Lesotho e ratoa ke lichaba tse ngata, 'me ho bohlokoa hore Basotho ba etele liba-

ka tse teng kahar'a naha hore ba li tsebahatse ka litsela tsohle.

O phethetse litaba tsa hae ka ho thoholetsa 'Muso oa Lesotho ka tšebetso eo o ntseng o e etsa ea ho ntlafatsa teropo, ka hoo naha ena e se e tsejoa e rekiseha linaheng tse ling e leng se lokelang ho etsahala. A re ho fihlile nako ea hore Basotho ba be motlotlo ka naha ea habo bona, kaha ho na le seo ba ka se supang ts'ebetsong ea 'muso ona.

Lekala lena khakanyong ea lichelete ea selemo sa 2025/26 le abetsoe M207.2 milione eo sehlohlole sa eona e leng ntlafatso ea libaka tsa bohahlauli, 'moho le ho hlahisa mesebetsi mafapheng a fapakaneng.



"Tlala ke pale ea maobane selemong sena." Ke Mofosi eo.

O re lebaka la hae ke hore lihoai li fumane thepa ka bongata 'me bongata bo lemmeng bo tlo atleha ho chaea lijo. O netefalitse sena ka ho mpoella hore o ile a etsa tlhahlobo masimong a 'maloa, 'me o ntse a tlo potoloha le masimo ho hlahloba hore na boemo ba temo bo bile joang literekeng.

E mong oa lihoai tsa Temo ea litapole Retšelisitse Moalosi, o thoholelitse lekala ka mohato oa ho bokella manane a lihoai le mefuta ea temo eo ba e etsang, o re seo se tla nolofaletsisa batho ba fanang ka lithuso ho li lebisana ho batho ba nepahetseng.

O re temo e liqholotso 'me ho bohlokoa hore 'muso o ke o ntlafatse melao e sitisang lihoai ho hoeba ka tselala e bulehileng, 'me o tiisitse hore lihlahisoa li teng kaha a kene temong ka nako e telele ho hlokalalang ke tšehetso.

Lekala la Temo, Kanetso ea Lijo le Phepo e Nepahetseng, khakanyong ea lichelete ea selemo sa 2025/26, le abetsoe M1.3 billion e tlo sebelisoa tlhahisong ea lijo, litlamorao tsa phetoho ea boemo ba leholimo, ho boetse ho tla thakhola mekhoa ea noesetso ea bolelele ba liakere tse 250 Tsikoane, tse 200 Seaka, Quthing 'me 'muso o tla fana ka sebaka Santeng, Hlotse le Seaka.


### Tseba boemo

ba hau u

fumane

pheko





# MOB KIDD'S EDUTAINMENT

**Puzzle MOB 93-4575**



**Across**

- 5 Lentsoe le leng le bolelang botle (6)
- 7 Bongata ba nama (4)
- 10 Ho nka ka mahahapa. (7)
- 11 Letlaila (8)
- 15 Ba ana ka lenong (8)
- 16 Temoso (12)
- 17 Mantle a khomo (7)
- 19 Joala bo salang ha e ne e le mokete. (7)
- 20 Se seng sa liboko tse anang ka koena. (10)
- 21 Sebaka se ka tlung moo ho behoang linkho, lijana le lijo. (6)

**Down**

- 1 Moo ho behoang lijana (9)
- 2 Ngoanana ea lilemong tsa ho bolla. (7)
- 3 Setlotso sa lieta. (10)
- 4 Ntja e tona. (6)
- 6 Ketso ea ho beha pooaneng se neng se patiloe. (6)
- 8 Mohlankana ea e-s'o etse thobalano. (9)
- 9 Ba ana ka qoabi (8)
- 12 Monna ea seng a e na le lelapa, empa a sa bolla. (9)
- 13 Khanano ea letlaila (7)

14 Ho ja fatše (ketso). (6)

18 Ho apara nkoe (ketso). (7)

## SOLUTION

**MOB 93-4574**





# TSA KEREKE

## Kereke e rapella Rabalumeli

**Tšelisothakholi**

**M**oarekabishopo oa Kereke e Katholike Tikolohong e Kholo ea Maseru, Mobabatshehi Gerard Tlali Lerotholi OMI o ile a etellapele litšebeliso tse khetheleng tsa Sehlabelo se Halalelang sa 'Missa, tsa ho rapella Mopapa Francis ea ntseng a le tlasa tlhokomelo e matla ea lingaka ka lebaka la boku-

ba neng ba o romiloe.

"A leleka bademone ka lebitso la Jesu, empa ba mo thibela le ho mo hanelana ba mo emisa ho etsa mosebetsi o joalo. Ke moo re utloang Evangeling hore Johannes o ile a menahana le mehlala a tla tlaleha ho mong'a hae. E ka mona Johannes o tsoantša 'na le lona hoba hangata re batho ba mofuta ona ona." O boletse joalo a bile a bontša hore hangata re emisa le ho sitisa tšebetso ea Morena

tse ntseng li behile Rabalumeli leiho ho ba le mamello, le teng a ba hlokomelisa hore ba elelloe hore ha se bona beng ba bophelo empa ke basebetsi feela ba hlokomelang bophelo.

"Re ntse re etsa tsena tseo re li etsang ka tumelo, tšepo le lerato. Re rapela hobane re khannoa ke lintho tsena tse tharo, 'me ha re tsoeleng pele ho 'na re mo rapella Ntate Francis." O boletse joalo a bile a re; "Molimo ea ileng a mo tataisa lilemo



lo, Sepetleleng sa Gemelli Naheng ea Italy. Litšebeliso tsena li bile Kerekeng e Kholo ea Maria Mofumahali oa Tlholo, Maseru ka la 26 Hlakola 2025.

Sena se latela phatlalatsa e ileng ea etsoa ke Seboka sa Babishopo ba Kereke e Katholike Lesotho (LCBC) pejana, ho kopa likereke, matlo a lithapelo, bakriste le sechaba sohle sa Morena Molimo ho kopana 'moho thapelong ka libaka tsa bona tse fapakaneng ho rapella Rabalumeli hore Morena Molimo ea matla ohle, Eena ea ileng a mo fa bophelo a ke a boele a mo fe bophelo bo botle.

Khothatsong ea hae, Moshishopo oa Tikoloho ea Mohale's Hoek, Mohlomphehi John Joale Tihomola HCP o itse molaetsa o qholotsang o baliloeng Evangeling e Halalelang ke oa hore kamora thomo ea baapostola ea ho tsamaisa molaetsa o molemo le ho phatlalatsa Lentsoe la Molimo, Johannes le baapostola ba bang ha ba le sebakeng se seng ba ile ba kopana le monna ea etsang mosebetsi o tsoanang le oo

Molimo hobane e etsoa ke bao re sa ba utloising re sa ba rateng kapa e etsoa ke ba se nang matšoaro a tsoanang le a rona. A tiisa hore re le bakriste re na le bofoku ba ho se shebisisi taba ka bo-eona empa re e ahlola ka hore na e tla ka mang. Ke hona feela re tla e latela ha re tseba hore na e boletsoe ke mang. "Ea sa le loantšeng o ea le lona." Ke Mobishopo eo.

Kamorao ho litšebetso tsena Mobabatshehi o ile a leboha bohle ba bileng teng thapelong ena, 'me ka ho khetholoha a kopela lingaka

tsena tse kana, ea ntseng a e-na le eena. A ke a re etsetse mohlolo ka eena Ntate Francis, a ke a bue le rona kajeno re utloe hore na o re tšoaretse life."

Ka lehlakoreng le leng litlaleho tsa morao ho tsoa Motse-Moholo Vatican li supa hore Mopapa Francis o ntse a le maemong a hloabaetsang a bophelo empa a tsitsitseng. Litlaleho li re ho lebeletsoe liphetho tsa CT-Scan hore li etsoe e leng tsona tseo lingaka li tlang ho tseba hantle hore na maemo a Rabalumeli ke a mofuta ofe.



## 2024-2025 SELEMO C

### SONTAHA SA 8 HAR'A SELEMO



Siraka 27,5-8

Pesalema 91

1 Ba-Korinthe 15:54-58

Luka 6:39-45



**Khothatso**

## Sefate se tsejoa ka litholoana

Pholoho ea rona bohle ha e fumanoe bothong ba nama le mali boo re bo jeleng lefa ho Adama le Eva. Hobane bo beha litholoana tse hlalisoang ke bofokoli ba botho, bo matha kamor'a menate ea lefatše, maruo le tsohle tse khahlanong le Morena. Bo beha lintho tsena kapele; lehloeo, likarohano, bohloko, lintoa, bokhonatha, bokhopo le tse ling tse tloang melao ea Morena Molimo. Maemong ao a rona re na le pelo ea lejoe le leleme le le lenyenyane empa le e-na le bokhoni ba ho etsa tse kholo. (Jakobo 3:5) Mahlo a rona h'a khotsofatsoe ke ho bona, kapa litsebe ke ho utloa.

Re ipona re le kaholimo ho ba bang, re ipitsa litichere empa na sefoku se ka tataisa se seng? (Luka 6:39) Morutuoa o ka holimo ho moruti oa hae na? (Luka 6:40) Maemong ana re khona ho bona thutsoana e ka leihlong la ngoan'abo rona, re sitoe ho bona seqoqohali se ka leihlong la rona. (Luka 6:41) Mantsoe, liketso, mahlo, litsebe le matsoho li hlalisa se hlaotsoeng ke kelello. Empa leha ho le joalo, ha re utloisise tsena tsohle hobane re etsa seo re sa se batlang, re iketsetsa sona seo re se hlohileng. (Ba-Roma 7:24) Mehlang ea Ezekiele Morena o ile a etsa tšepiso, "Ke tla ba fa pelo e le 'ngoe, ke kenye moea o mocha ka ho bona; ke tlose pelo ea lejoe 'me ke ba fe pelo ea nama." (Ezekiele 11:19-20) Ka Sakramente ea Tlhatsuo tšepiso ena e phethahetse, ka ho tsoaloha hape ka moea le metsi (Joannes 3:5) ka ho latela taelo ea Jesu Kriste, re amohetse botho bo bocha (moea oa botho) oa tholoana ea Morena. (1 Joannes 3:9)

Popong eo e ncha ea rona re hlohonolofalitsoe ka moea, re amohetse pelo e ncha e leng sebetsa se re thusang ho loantša eane ea lejoe. Ka moea oa rona re bilelitsoe ho bontša litholoana tsena tsa Moea o Halalelang; lerato, thabo, khotso, mamello, bonolo, ho loka, ho tšepahala le boitšoaro. (Ba-Galata 5:22-3) Haeba moea oa rona o tsamaea litholoaneng tsa Moea o Halalelang, re na le bonnete ba hore ka lebaka la botle bo tsoang lipelong tsa rona, litholoana tse hlabosehang li tla hlaha. Sena se re bolella ka mokhoa o totobetse hore pholoho ea rona le ho kena Leholimong la Morena ha li tsoe bothong empa moeeng oa rona.

Ka hona bana b'eso ha re tlieeng, re se sisinyehe 'me kamehla re ipabole mesebetsing ea Morena hobane rea tseba hore ho eena ha re sebeletse lefeela. (1 Ba-Korinthe 15:58) Kaofela ha rona re tla amohela moputso oa bosafeleng ho latela mesebetsi ea tumelo. Ha re qala beke ena ea borobeli hara selemo boinahanong ba rona re ipotse lipotso tse latelang, Ana ke tsamaea moeeng oo bana ba Molimo ba o bilelitsoeng? Re khanya litholoaneng tsa Moea o Halalelang? Bana b'eso ha ba utloa mantsoe a ka, ba bona liketso tsa ka na li bontša boitšoaro ba motho ea etsang liketso tsa moea? Haeba lipelong tsa rona ho tsoa tsohle tse re etsang bana ba Molimo, ha re ithabeleng. Empa haeba re bona letheba liketsong tsa rona, ha re atameleng kapel'a Morena ea mohau, ea mosa a bile a le lereko e le hore re tle re khanye joaloka Kriste h'a le lefatšeng.

## Bahalaleli har'a Beke

- 3 Tlhakubele Camilla
- 4 Tlhakubele Adrian
- 5 Tlhakubele Oliver
- 6 Tlhakubele Basil
- 7 Tlhakubele Perpetua le Felicity
- 8 Tlhakubele Duthac

# BG e tšoara lithholisano



## Tšelisothakholi

**L**ehae la Bana ba Likhutsana le ba Tlokotsing la Beautiful Gate(BG), le ile la tšoara lithholisano tsa matsatsi a mabeli tsa lipapali tsa bolo ea matsoho, Volleyball le bolo ea maoto, Mabaleng a Sekolo se Seholo sa Temo, Maseru ka la 22 ho isa la 23 Hlakola 2025.

Motsamaisi oa BG, Mofumahali Lindiwe Kirstein o re sepheo sa mantlha sa ho tšoara lipapali tse na ke ho bokella chelete eo ka eona

matsoho a bona, ho fana ka lijo, liphahlo ka lehaeng le ho ba hlokomela ka tsohle tse ka etsang hore ba phele, 'me ba hole ba e-na le tlhompheho le seriti.

Kirstein o hlalositse hore lihlopha tse kenetseng lithholisano tse na ke tsa mekhahlelo e fapakaneng ea sechaba tse kenyeletsang, Nedbank, FNB, NDSO, Adient, LAC Maseru Club All Stars, Econet-Lesotho le Avani-Lesotho. A re sena ke selemo sa boraro lehae le tšoara lithholisano tse na, empa o itse morero ke hore

# Moifo o hlahloba lebala

## Tšelisothakholi

**M**oifo oa Komiti ea Tlhahlobo ea Mabala ka tšebelisanong 'moho le botsamaisi ba Sehlopha sa Bolo ea Maoto sa Mzamane, o bile Seterekeng sa Mokhotlong mafelong ana a beke, ka sepheo sa ho hlahloba ntlafatso ea Lebala la Mzamane

lihlopha tse kholo.

Ho ea ka Phala ea sehlopha sa Mzamane Monghali Mohlalefi Kokoropo ba bile le lipuisano tse mofuthu le moifo oa Komiti ea Tlhahlobo ea Mabala moo har'a tseling ba bileng ntsoeleng, kamor'a tlhahlobo ea lebala hore ba le kate ka makhetha ka ho bolaea litotoma tse bonahalang li le teng kahare ho lona le ho le teratela bakeng sa tšireletseho ea liba-

botsamaisi ba ile ba etsa boitlamo kapel'a moifo hore ba tliil'o sebetsa ka thata ho bona hore kamora matsatsi a mararo ba be ba lokisitse moo ho saletseng.

A bontša hore Moifo oa Komiti o bile oa tiisa hore ha feela tseo tsohle tse hlokalang li phethetsoe ka katleho, bonyane ba hakanaya hore har'a lipapali tsa sehlopha tse supileng tse setseng, bonyane tse 'ne



ba tlang ho e akhela mokotleng oa lehae ho thusa bana kaha ba le leqemeng le leholo la bafani. O boetse a supa hore morero ke ho sebelisa lipapali tse na e le ho etsa tlhokomeliso ho sechaba ho kenya letsoho kholong le tlhokomeleng ea bana esita le mesebetsing eohle ea lehae.

"Ho sechaba re kopa tšehetso ho BG e seng ea matsatsi ana a mabeli feela, empa ea ka linako tsohle ho bona hore bana ba ba le bokamoso bo phethehileng." O boletse joalo a bile a eketsa hore sechaba se lebeletsoe ho kenya letsoho ho otlala bana bana ka mokhoa oa ho thusa ka

li se li tla tšoaroa selemo le selemo.

Selemong sa pele ba ile ba qala ka papali ea bolo ea maoto, se hlahlamang ha morero o ntse o hola ba kenyeletsa bolo ea matsoho, 'me monongoaha ka lebaka la kholo e potlakileng ea morero ba ekelitse ka ea Volleyball. A qetella ka ho bontša hore lithholisano tse na li buletsoe bohle ho li kenela, molemong oa ho kenya letsoho kholisong le paballong ea bana ba likhutsana le ba tlokotsing ba Lehae la BG. "Taba-tabelo ea ka ke ho bona bana bana ba sa holelele maheng a likhutsana empa ba holela malapeng, ka hlomphe e ba

le khatelo-pele e seng e fihletsoe ho latela litumellano tse ileng tsa fihleloa bakeng sa ho beha lebala maemong a matle.

Sena se etsahala kamor'a hore Lebala la Pitso House, Mokhotlong leo sehlopha sa Mzamane se neng se ntse se le sebelisa ngoahola pele se kena lihlopheng tse kholo tsa Premier League, Komiti e le behelle ka thoko kaha le ne le se maemong a matle a hore le ka bapalla

pali le batsamaisi nakong ea lipapali. "Ba itse ha tse na li phethetsoe tsohle li tla be li lokile. Etsoe bothata bo boholo bo ne bo le kahare ho lebala." A rialo

Are lintho tse ling tse neng li saletse morao ke tokiso ea lemati la ntloana ea boithuso le pompo ea metsi. A re ka lehlohonolo motšhetsetsi e moholo oa sehlopha e bile karolo e neng e le teng ha moifo o ntse o hlahloba lebala, 'me motšhetsetsi le

se tla ke se thabise barati le batšehetsi ka ho tla li bapalla lekhetlo la pele se le ho Premier League hae Mokhotlong.

A thetha ka hore haesale e le takatso ea bona ho bona Mzamane e bapalla lipapali tsa eona tsohle lebaleng la eona Mokhotlong. A re sena e tliil'o ba thuso ho sehlopha kaha se tliil'o fokotsa litšenyehelo le ho nyolla khoebo kahare ho setereke.

lokelang. Re ntšitse mohoo oa hore batsoali ba se nang

bana ba tle re tla ba tataisa hore na ba ka iphumane-

la bana ka tsela ea mofuta ofe." Ke eena eo.



# Li nyolla boemo ba naha-Maqelepo

## Tšeliso Thakholi

“Ha re sebetsa re tšoarisanane ‘moho ka matsoho lipapali li ka nyolla boemo ba naha ena, ‘me ke rata ho mema bahoebi ho kenya letsoho lipapaling kaha sena se tliil’o re thusa ho matlafatsa lithholisanano le ho ba le lipapali tse ngata tse bapaloang.” Ana ke mantsoe a Letona la Lipapali Mohlomphehi Motlatsi Maqelepo h’a khakola le ho nehelana ka chelete e kaalo ka M1.5Millione sebakeng sa Lithholisanano tsa Mohope oa People’s Cup, moketeng o bileng Bambatha, Maseru ka la 25 Hlakola 2025.

Monongoaha ke lihlopha tse robeli tsa Liki e Kholo tse tlang ho qothisana le hlokoa lithholisanong tsena, ‘me li tliil’o khethoa ka mokhoa oa ho li foutela. Lihlopha tsena li arotsoe ka mekhahlelo e ‘meli. Lihlopha tsa pele tse ‘ne li tla bapalla Lebaleng la DiFA, Mohale’s Hoek ka Moqebelo oa la 8 Tlhakubele 2025, e be let-satsing le hlahlamang ho bapala tse ling tse ‘ne Lebaleng la DiFA, Maputsoe. Lihlopha tse ‘ne tse tla hlo-



loa li tla hlatsoa jesi hang ka ho panya ha ntšhi. Ha tse ‘ne tse tlang ho hapa lipapali tsa tsona li tla fetela ho seka-makhola khang le makhaola khang a tlang ho bapaloa ka letsatsi le le leng Mantšonyane Seterekeng sa Thaba-Tseka ka la 15 Tlhakubele 2025.

Sehlopha se tla ipabola se tla ikhapela chelete e kaalo ka M500,000.00, bobeling e ba M200,000.00, borarong le boneng e be M100,000.00 ka tatellano. Athe lihlopha tse ‘ne tse tla tsoa mokhahlelong oa pele oa tse robeli

sehlopha ka seng se tla hlakoloa mekho ka ho khaketsoa M40,000.00 sehlopha ka seng.

Ho tla boela ho fanoa ka chelete e kaalo ka M5,000.00 ho sebakali se tla ipabola, sebakali se tla hlaba lintlha tse ngata se tla iphumanela M4,000.00, sethiba-thibane se tla ipabola se tla fua M2,000.00. Athe ho lihlopha tse ‘ne tse hlileng tsa hlatsoa jesi mothating oa pele, sebakali se tla ipabola se tla fumana M1,000.00 ha se tla ipabola ho seka-makhaola khang le

makhaola khang sona se tla fumana M1,500.00.

H’a amohela le ho leboha tšebetso tsena lebitsong la PLMC, Mongoli oa PLMC, Teboho Khesa o itse ba motlotlo haholo ka tšebetso eo ba ntseng ba e fumana ho nyolla papali ea bolo kahare ho naha. A re sena ha se na ho matlafatsa lihlopha feela empa le ho sibolla talenta ea libapali tse ncha. E mong oa bafani, Seeiso Molapo oa Econet-Lesotho o itse ke maikemisetso a kampani ea habo ho kenya letsoho le toma ho ntlafatsa papali ea bolo ea maoto kahare ho naha. A re ba tla tsoela pele selemo le selemo ho tšehetsa lipapali tsena.



# E nyahamisa Basotho



## Tšeliso Thakholi

Sehlopha sa Naha sa Papali ea Bolo ea Maoto ea Basali, Mehalalitoe se khathalitse babohi matla le ho ba tšeremisa mangole ka ho shapuo ea habohloko ka phafa ea 1-0 le 2-0 ka tatellano ke bo-mmphato’a

bona ba Naha ea Afrika Boroa e leng Banyana Banyana mekhahlelong e ‘meli ea lipapali tsa setsoalle, e bileng UJ Soweto Campus Pimville, Johannesburg ka la 22 le la 25 Hlakola 2025.

Ena e bile tšebetso e nyotobetsang haholo e entsoeng ke sehlopha sa Naha sa Mehalalitoe, kaha tšepo ea sechaba e ne e le hore e tla ikhapela bonyane leha

e se e le papali e le ‘ngoe. Bothata bo boholo ba Mehalalitoe bo ne bo hlaha ha e lokela ho qetella mosebetsi oa eona ka ho hlaba lintlha. A mang a mathata a neng a bonahala e ne e le hore mola o kamorao oa Mehalalitoe o ne o fokola haholo, hoo Sibongile Ntoane oa Banyana Banyana a neng a itsamaela bolacha.

Papaling ea pele e ileng

mola o kamorao oa Mehalalitoe hlooho.

Libapali tsa Mehalalitoe tse matla tse kang bo Phuzile Molefe, Bokang Ntsane le Reitumetse Namane ba ne ba leka ho khahlela ka matla, empa bothata e ne e le ho lahlela libolo ka letlooeneng. Ka kakaretso lipapali tsena e bile tsa bohlokoa ho lihlopha ka bobeli.

Ho ea ka bakoetlisi ba lihlopha tsena tse peli Shalane Lehohla le Dr. Desiree Ellis lipapali tsena e bile boithuto bo matla ba ho bona hore na lihlopha tsa bona li maemong afe a papali. Morero o mong o moholo e ne e le ho beha tekong libapali tsa tsona tse ncha ho bona hore na li tla bapala joang lihlopheng tsa naha.

